

Bahmaj: “Danhswh Ganhlinz Giva” Hawj 10 Aen Cunhgaep Siujyoz Ndaejik

巴马: “丹姿甘霖计划”惠及 10 所村级小学

Geij ngoenz neix daeuj, Bahmaj Mingzdwz Goeng-ik Swzsienh Hoihlienhab haiguh “danhswh ganhlinz giva”, vih Bahmaj Yauzczu Swciyen 10 aen siujyoz soengq bae 30 aen sezbei daihraemxcingh, miz 3500 lai boux hagseng ndaejik gwn raemx ancienz.

Ciuq cam rox, aen hanghmoeg “danhswh ganhlinz giva” neix eiqsei de dwg baujcaeng gwn raemx ancienz, caemhyienj saedceij ndangcangq. Aen hanghmoeg neix ndaejik daengz Gvangjdungh Swngj Danhswh Swzsienh Gihginhvei, Gvangjsih Simrang Goeng’ik Segungh Fuzvu Cungsime caenhrengz haeujcoengh. Bahmaj Mingzdwz Goeng’ik Swzsienh Hoihlienhab bouxgagnyienh ginggvaq haeujlaeg byaijcam, faenbied dawz sezbei daihraemxcingh soengq daengz aen yienh neix 10 aen cunhgaep hagdangz siujyoz, lij yienhciegz ancang caeuq hawj boux vunzfucwz aen hagdangz ndaejik bangcoh haenx ganggej sezbei baenzlawz ancang, sawjyung fuengfap caeuq haeujsim saehhangh.

(Veiz Mingzsung/韦明松)



▲Gijdung “danhswh ganhlinz giva” yienhciegz.



▲ Bouxgagnyienh son gyoengq hagseng baenzlawz yungh sezbei daihraemxcingh.



▲ Gijdung yienhciegz yienjheiq hawj vunzlai yawj.

Yougyangh Gih: “Bingcangmbaeu Vwnzyi Saekhoengz” Byaij Haeuj Giz Banggunz Senjdieg

右江区: “红色文艺轻骑兵” 走进易地扶贫搬迁点

1 nyied 29 hauh, Baksak Si Yougyangh Gih guh seizdaih moq “bingcangmbaeu vwnzyi saekhoengz” cawjdaez hozdung nem 2018 nienz coux bi moq “sam roengz mbanj” doxcomz fuzvu hozdung youq aen gih neix giz dieg banggunz senjdieg Dadungz Laujyangh Gyahyenz haiguh, doengh aen doih iq fuzvu daj senhconz, vwnzva, gohgi, veiswnggh daengj hidungj daeuj haenx doenggvaq yienhciegz yienjheiq, soengq doiqlienz, gohbuj gejdap daengj hingzsik, hawj vunzlai soengq bae angqyangz caeuq bi moq hohfuk.

(Luz Gez/陆杰)



▲ Hawj vunzlai sij doiqlienz mbouj aeu cienz.

Yungzsuij: Raeujrub Soengq Hawj Lwgnyez Myauzczu

融水: 温暖送苗娃



▲ Hagseng hohgunzhoj gendangj laebgaj moix boux cungj ndaejik dauq buhnit he.

1 nyied 24 hauh, Yungzsuij Myauzczu Swciyen Yanghfwnj Yangh youq mbanj gungzhoj daih’ it suhgi yinxsienq dapgiuz lajde, aen yienh neix youq Yanghfwnj Yangh Cungsime Siujyoz haiguh raeujrub soengq hawj lwgnyez Myauzczu hozdung, 3 aen simndei giyez daj Gvangjcouh, Liujcouh daeuj haenx dawz 250 dauq buhbaujraeuj soengq daengz ndaw fwngz 250 boux hagseng hohgunzhoj gendangj laebgaj haenx, dawz raeujrub soengq daengz ndaw sim lwgnyez Myauzczu.

(Lungz Linzci/龙林智 Vangz Sinhhoz/黄深活)

Luzcai: Bouxhekyouz Daejniemh Aeu Dangzrwi

鹿寨: 游客体验采蜂蜜

1 nyied 17 hauh, hekyouz youq Luzcai Yen Lahgouh Yangh Muzlungz Cunh daejniemh aeu dangzrwi, hekyouz dahsau gamj caeuq duzrwi diuqfoux haenx caen fwngz bae aeu gij dangzrwi henjrwrwk okdaej. Lahgouh Yangh seiqgeiq miz va hai haenx dieg youq diegbaujhoh dienyienz Swcigih, dwg aen ciengz ciengx rwi dienyienz he, daengx yangh haujlai nungzhoh cungj ciengx rwi, miz 20 hoh ciengx ndaejik haemq lai, gungh ciengx 1880 sieng, ranz ciengx rwi ginghcei yauyiz gig ndei.

(Lai Genveih/赖建辉)



▲ Hekyouz daejniemh aeu dangzrwi.